

昔年常被利名枷苦海波中喜戴枷堂下兒孫如玉柱眼前妻
妾似金枷 至迷馬鈺因何悟得遇風仙便脫枷閑裏尋閑得
閑趣如今甯肯復投枷

又

勸人休要問前緣但肯回頭是宿緣不想浮生難猛悟稍知虛
患近良緣 無心入道須無分有意投玄是有緣自古神仙皆
出離在家怎得好因緣

又

風仙風害得真風留下家風要害風通密邱仙能繼踵山侗馬
鈺應扶風 勸人休作夢中夢學我能尋風裏風或問風因親

道藏輯要

漸悟集

至

胃集七
川。八

說破投玄遠俗做心風

贈斗門李公

不須遠遠遠尋師自是神仙自是師真淨真清真至理至微至
妙至真師 愛憎不盡難求道人我仍存枉拜師你意不能隨
我意我心怎做你心師

又

秦川勝景果非常最好終南珍藏鄉竹徑梅溪生秀氣鳳巢龍
窟吐祥光 雲菴處處成雲集道友多多論道長劉蔣村名今
改變人人傳說會仙莊

遇仙槎